

業如爪上土大地之土筭數譬喻不能量度
聚落主言如是如是惡業校量可知如是少
業不能牽人令墮惡道亦不能住亦不可計
夫行慈者所得功德如大地土殺生之罪如
爪上土悲之功德如大地土偷盜之罪如爪
上土喜之功德如大地土邪淫之罪如爪上

土捨之功德如大地土妄語之罪如爪上土

如來分別如是法時造論姓聚落主聞佛所
說遠塵離垢得法眼淨得法證法見法知法
得法邊際度諸疑惑不隨他信尋得已辨即
起離座整衣合掌白佛言世尊我已得度我
已得度今歸依佛歸依法僧爲優婆塞盡其

漏五

十七

形命信心清淨聚落主復白佛言世尊譬如
爲利養故作於惡罵日日轉惡尚失己財況
復得利我亦如是爲得利故親近愚癡不善
尼乾我以狂惑親近於彼供養恭敬我於彼
所不得善利爲其所陷將墮地獄世尊拔我
得離惡趣今重歸佛法僧我盡形壽爲優婆

塞我先於彼愚癡尼乾所有信心愛念恭敬
悉皆捨棄我今第三亦重歸依佛法僧寶盡
我形壽爲優婆塞不生不信時造論姓聚落
主聞佛所說歡喜頂禮而去

動搖及闡諦 調馬與惡性 頂髮并牟尼
王髮及驢性 飢餓與種田 說何論爲十

別譯雜阿含經卷第十五

漏五

妓渠反偈倡昌音絃歌上音澆古音堯涕泣上音輔
弼皮音父反下音矜愍上居音鈍徒因反斬戮六音慘
𡇗七感反尼尼日反兩鑄下音咽於見音踐踏上音盜
齶蒲角粗反拍祖古反翫六天渠音沃壤上烏毒反齒

體音輔
父音矜愍
徒因音斬戮
六音慘
尼日音兩鑄
於見音踐踏
上烏毒反齒

別譯雜阿含經卷第十六

失譯今附秦錄

漏六

如是我聞一時佛在舍衛國祇樹給孤獨園
余時世尊告諸比丘世有三種不調之馬一
切世人現悉知之或有馬行步駿疾然無好
色是則名為乘不具足或復有馬行步不駿

疾雖有好色是亦名爲乘不具足或有良馬行步駿疾然有好色是則名爲乘得具足人亦三種如彼三種不調之馬此三種人於佛教法現所知見何等爲三有人駿疾具足色及可乘然不具足或復有人駿疾具足顏色具足乘不具足或復有人駿疾顏色及以可乘悉皆具足何者是駿疾具足色不具足乘不具足如法中人如實知苦如實知苦集如實知苦滅如實知向盡苦道如是知見已斷於三結所謂身見戒取疑斷此三結得須陀洹不墮惡趣於道決定乃至人天七生盡于苦際是名駿疾具足云何色不具足若有問難阿毗曇毗尼不能善通於深問難不能了難阿毗曇毗尼不能善通於深問難不能了達句味相順不能稱說不能如理而爲具說是名色不具足云何名乘不具足少於福德所生之處無有福德不得利養衣服飲食卧具湯藥是名乘不具足是名駿疾具足色不具足乘不具足云何駿疾具足顏色具足乘

不具足何者駿疾具足如法中人如實知苦如實知集如實知苦滅如實知苦滅道知見是已斷於三結所謂身見戒取疑斷三結已得須陀洹不墮惡趣於道決定乃至七生人天盡於苦際是名駿疾具足云何名色具足若有問難阿毗曇毗尼能善解說句味相應稱理顯說是名色得具足云何名爲乘不具足少於福德不能生便有大福德不得利養衣服飲食卧具湯藥是名駿疾及色得于具足乘不具足云何名爲駿疾色乘悉皆具足何等駿疾如此法中如實知苦如實知苦集如實知苦滅如實知苦滅道既知見已斷於三結得須陀洹七生人天不墮惡趣是名駿疾具足云何色得具足若有問難阿毗曇毗尼能爲通釋句味相順稱理顯說是名色得具足云何名爲乘得具足若多福德生便有福能得利養衣服飲食卧具湯藥是名乘得具足是名第三駿疾色乘悉皆具足諸比丘

聞佛所說歡喜奉行

如是我聞一時佛在舍衛國祇樹給孤獨園
尔時佛告諸比丘世有三馬良善調順或有
馬駿疾具足色乘不具或復有馬駿疾及色
二俱具足乘不具足或復有馬三事具足人
亦三差如彼三馬是三種人佛教法中現所
知見或有駿疾具足色乘不具足有人具足
於二不具足一有人三事具足何者具足於
一不具於二如佛法中如實知苦如實知苦
集如實知苦滅如實知苦道斷五下分結
得阿那含是人不還不墮惡趣云何色不具
足若有問難阿毗曇毗尼不能解釋句味順
理不能稱說是名色不具足云何名為乘不
具足少於福德不能生便有大福德不得利
養衣服飲食卧具湯藥是名乘不具足云何
第二二事具足一不具足是人於佛法中見
四真諦乃至斷五下分結得那含若有問難
阿毗曇毗尼能為解演說餘如上說一不具

足亦如上說是名第二具足於二不具足一
云何第三三事具足是人於佛法中如實知
已見四真諦已得阿那含乃至多有福德獲
於利養是名第三三事具足時諸比丘聞佛
所說歡喜奉行

如是我聞一時佛在舍衛國祇樹給孤獨園

三

爾時佛告諸比丘譬如世間善乘之馬凡有
三種人亦如是有三種人其第一者駿疾色
乘悉皆具足若有人於佛法中如實知見四
真諦已斷於三漏所謂欲漏有漏無明漏解
脫知見具足盡諸有結心得自在生死已盡
梵行已立所作已辦不受後有得阿羅漢是
名駿疾具足餘如上說云何第二二事具足
一不具足於佛法中如實知見四真諦已乃
至得阿羅漢善通問難餘如上說云何第三
三事具足是人於佛法中如實知見四真諦
已乃至有福德能得利養是名三事具足佛
說是已時諸比丘聞佛所說歡喜奉行

如是我聞一時佛在舍衛國祇樹給孤獨園
尔時佛告諸比丘如是三種善調乘馬應爲

王者及王子乘何等三種所謂駿疾具足色
具足乘具足三種比丘如彼三馬若比丘具
足三事宜應禮拜供養合掌讚歎是名三事
具足云何色具足具持禁戒於波羅提木叉

善能護持往返出入具諸威儀於小罪中不
生大怖堅持禁戒無有毀損是名色具足云
何力具足惡法未生能令不生惡法已生方
便令減善法未生方便令生善法已生方便
令增廣是名力具足云何駿疾具足若佛法
中如實知見四真諦已是名駿疾具足佛說
是已諸比丘聞佛所說歡喜奉行

如是我聞一時佛在舍衛國祇樹給孤獨園
尔時佛告諸比丘有四良馬王者應乘何等
爲四善調駿疾能忍善住不鬪比丘如是成
就四種當應歸依供養禮拜合掌恭敬於世
間中無上福田何等爲四所謂善調駿疾能

令善住不鬪佛說是已諸比丘聞佛所說歡
喜奉行

如是我聞一時佛在舍衛國祇樹給孤獨園
尔時世尊告諸比丘有四種馬賢人應乘是
世間所有何等爲四其第一者見舉鞭影即
便驚悚隨御者意其第二者鞭觸身毛即便
謂六

四

驚悚稱御者意其第三者鞭觸身肉然後乃
驚隨御者意其第四者鞭徹肉骨然後乃驚
稱御者意丈夫之乘亦有四種何等爲四其
第一者聞他聚落若男若女爲病所惱極爲
困篤展轉欲死聞是語已於世俗法深知厭
惡以厭惡故至心修善是名丈夫調順之乘
如見鞭影稱御者意其第二者見於己身聚
落之中若男若女有得重病遂至困篤即便
命終覩斯事已深生厭惡以厭惡故至心修
善是名丈夫調順之乘如觸身毛稱御者意
其第三者雖復見於己聚落中有病死者不
生厭惡見於己身所有親族輔弼己者遇病

因篤遂至命終然後乃能於世間法生厭惡
心以厭惡故勤修善行是名丈夫訶順之乘
如觸毛肉稱御者意其第四者雖復見之所
有親族輔弼己者遇病喪亡而猶不生厭惡
之心若身自病極為因篤受大苦惱情甚不
樂然後乃生厭惡之心以厭惡故修諸善行

是名丈夫善調之乘如見鞭觸肉骨隨御者
意時諸比丘聞佛所說歡喜奉行

如是我聞一時佛在舍衛國祇樹給孤獨園
尔時世尊告諸比丘馬有八種過世間所知
現在可見何等爲八一者乘馬之人控轡乘
策將即遠路而彼惡馬齒銜跳躡頓絕羈勒

漏六

五

破碎乘具傷毀形體是名馬過其第二者御
者乘之不肯前進而此惡馬騰踊叵制破碎
乘具其第三者御者乘之不肯著路但踰坑
塹其第四者若有乘之時不肯前進反更却行
其第五者都不畏於御乘之人鞭策之痛其
第六者御馬之人以鞭策之方便距地二足

雙立其第七者御馬之人意欲馳驟反更卧
地不肯進路其第八者御馬之人意欲令行
而反停住於佛法中修學丈夫亦有如是八
種過患何等爲八若比丘同梵行者有見聞
疑事覺觸己身即語彼言汝於今者稚小無
智不善不了汝今應當覺觸餘人云何乃欲
覺觸於我汝自有過反舉他事如是之人猶
第一馬其第二者見他比丘有見聞疑罪同
梵行者即便語彼有罪人言汝於今者犯如
是罪時有罪人復語彼言汝今自犯如是之
罪若懺悔者然後乃可糺舉我罪如是之人
猶第二馬所有過失其第三者若有比丘作
見聞疑罪爲他所舉便作異語隨於愛瞋及
以怖癡心生忿怒如是之人猶第三馬所有
過失其第四者若有比丘亦復作於見聞疑
罪爲他所舉即便語彼舉事人言我都不憶
犯如是罪當知此人同第四馬所有過失其
第五者若有比丘亦復犯於見聞疑罪同梵

行者而來舉之時犯罪人即攝衣鉢隨意而去其心都無畏忌衆僧及舉事者當知斯人同第五馬所有過失其第六者若有比丘亦復犯於見聞疑罪同梵行者而舉其事時犯罪人即便於彼高處而坐與諸長老比丘諍論道理舉手大喚作如是言汝等諸人悉皆

自犯見聞疑罪而更說我犯如是罪當知斯人同第六馬所有過患其第七者若有比丘亦復犯於見聞疑罪清淨比丘糲舉其事彼有罪人默然而住亦復不言有罪無罪惱亂衆僧當知斯人同第七馬所作過失其第八者若有比丘亦復犯於見聞疑罪清淨比丘

六

發舉其事彼犯罪人即便捨戒過失善根罷道還俗既休道已在寺門邊住立一面語諸比丘我今還俗爲滿汝等所願以不汝今歡喜極快樂不當知是人同第八馬所有過惡諸比丘聞佛所說歡喜奉行

余時世尊告諸比丘有八種馬爲賢者所乘所言賢者轉輪聖王何等爲八賢乘所生是名第一賢馬之相具第二者極爲調善終不觸其餘凡馬是名第二賢馬之相其第三馬所食之草不擇好惡悉盡無遺是亦名爲賢馬乘相其第四者諸穢惡物生不淨相大小便處終不於中止住眠卧是名第四具賢馬相其第五者能示御者惡馬之過能教御者治於惡馬所有疾態是亦名爲賢馬之相其第六者能忍重擔而不求輕恒作是念我常見於餘馬擔時當爲代之是名第六賢乘馬相其第七者常在道中初不越逸道雖微滅明了知之是名第七賢馬之相其第八者病雖困篤乃至臨終力用不異是名第八賢乘馬相丈夫賢乘亦有八事何等爲八其第一者若有比丘善持禁戒具足威儀往返人間無所毀犯設誤犯於微小罪者心生大畏持所受戒猶如瞎者護餘一目當知是人同

六

彼初馬生賢乘處其第二者若有比丘具足善法然不惱觸同梵行者共住安樂如水乳合當知是人同第二馬生於賢處其第三者復有比丘受飲食時不擇好惡悉食無餘當知斯人同第三馬生於賢處其第四者若有比丘見諸惡法不清淨者心生厭惡悉皆遠離三業不善詞責惡法鄙陋下賤當知是人同第四馬生於賢處其第五者若有比丘既犯罪已親於佛前陳已過罪亦復於彼梵行所說自發瑕疵當知是人同第五馬生於賢處其第六者若有比丘具足學戒見同梵行諸比丘等於戒有犯心每念言我當修學令無所毀當知斯人同第六馬生於賢處其第七者若有比丘不行非道不行邪徑當知此人同第七馬不行非道生於賢處其第八者若有比丘病雖困篤乃至欲死精勤無懈志性堅固不可轉動恒欲進求諸勝妙法心無疲倦當知是人同第八馬至死盡力生於賢

處佛教法中能得真實佛說是已諸比丘聞佛所說歡喜奉行

如是我聞一時佛在那提迦國竟宴迦精舍爾時世尊告大迦旃延定意莫亂當如善乘調攝諸根勿同惡馬諸根馳散猶如惡馬繫之檻上唯念水草餘無所知若不得食斷絕羈絆亦如有人多與欲結相應以貪欲故多有憊恨之心多起欲覺以有欲覺生諸惱害種種惡覺由斯而生以是事故不知出要終不能識欲之體相若復有人耽好睡眠以常眠故多起亂想種種煩惱從之生長以是義故不知出要對治之法若復有多生掉悔以其常生掉悔心故於諸法相不能分明當知掉悔爲散亂因以是因緣不知出要對治之法若復有人多生疑心以疑心故於諸法中猶豫不了以斯義故不知出要對治之法如善乘馬繫之檻上其心都不思於水草不絕羈絆譬如有人心無欲結但有淨想以不

染著是欲想故亦復不生掉悔疑等睡眠之
蓋以其不生五蓋之心因緣力故便知出要
對治之法比丘如是不依於彼地水火風亦
復不依四無色定而生諸禪不依此世不依
他世亦復不依日月星辰不依見聞不依識
識不依智知不依推求心識境界亦不依止

他世日月星辰識知見聞推求覺觀心意
界及以於彼智不及處亦復如是皆悉虛偽
無有實法但以假號因緣和合有種種名觀
斯空寂不見有法及以非法尔時世尊即說
偈言

汝今薄迦梨

應當如是知

習於坐禪法

漏六

觀察無所有 天主惱尸迦 及三十三天
世界根本主 大梵天王等 合業恭敬禮
稽首人中尊 咸皆稱斯言 南無善丈夫
我等不知汝 依憑何法則 而得是深定
諸人所不了

薄迦梨在佛後立以扇扇佛即白佛言世尊
云何比丘修諸禪定不依四大及四無色乃
至不依覺觀之想若如是者諸比丘等云何
而得如是禪定釋提桓因及諸大眾合掌恭
敬尊重讚歎得斯定者而作是言此善男子

夫夫中上依止何事而修諸禪佛告薄迦梨
若有比丘深修禪定觀彼大地悉皆虛偽都
不見有真實地相水火風種及四無色此世

迦梨比丘煩惱永滅不受後生盡諸有結時
諸比丘聞佛所說歡喜奉行

惡馬調順馬 賢乘三及四 鞭影并調乘
有過八種惡 迦旃延離垢 十事悉皆竟
如是我聞一時佛在迦毗羅衛國尼拘陀林
時釋摩男往詣佛所頂禮佛足在一面坐而

白佛言世尊云何名爲優婆塞義唯願如來爲我敷演佛告釋摩男在家白衣歸依三寶以是義故名優婆塞汝即其人時釋摩男復白佛言世尊云何名優婆塞信佛告釋摩男於如來所深生信心安住信中終不爲彼沙門婆羅門若天若魔若梵若人不信所壞是

名優婆塞信時釋摩男復白佛言云何優婆塞戒佛告釋摩男不殺不盜不婬不欺及不飲酒等是名優婆塞戒又問云何施具足佛告釋摩男優婆塞法應捨慳貪一切衆生皆悉爲彼貪嫉所覆以是義故應離慳貪及嫉妬意生放捨心躬自施與無有疲厭是名施具足又問云何智慧具足佛告釋摩男優婆塞如實知苦如實知苦習如實知苦滅如實知苦滅道知此四諦決定明了是名慧具足佛說是已諸比丘聞佛所說歡喜奉行

佛說是已諸比丘聞佛所說歡喜奉行
如是我聞一時佛在迦毗羅衛國尼拘陀林時釋摩男往詣佛所修敬已畢在一面坐而時釋摩男與五百優婆塞往詣佛所頂禮佛

足在一面坐白佛言世尊如佛所說優婆塞義在家白衣具丈夫志歸命三寶自言我是優婆塞者云何而得須陀洹果乃至阿那含耶佛告釋摩男斷除三結身見戒取及疑網等斷三結已成須陀洹更不復受三塗之身於無上道生必定信人天七返盡諸苦際入

端六

十

於涅槃是名優婆塞得須陀洹又問云何而得斯陀含果佛告摩訶男斷三結已薄婬怒恚名斯陀含又問云何而得阿那含果佛告摩訶男若能斷三結及五下分成阿那含時摩訶男及五百優婆塞聞斯法已心生歡喜而白佛言世尊甚爲希有諸在家者獲此勝利一切咸應作優婆塞時摩訶男及諸優婆塞作是語已禮佛而退諸比丘等聞佛所說歡喜奉行

如是我聞一時佛在迦毗羅衛國尼拘陀林時釋摩男往詣佛所修敬已畢在一面坐而時釋摩男與五百優婆塞往詣佛所頂禮佛

如上復當云何滿足諸行佛告摩訶男優婆塞雖具足信未具禁戒是名有信不具於戒欲求具足信戒之者當勤方便求使具足是名信戒滿足優婆塞佛復告摩訶男優婆塞雖具信戒捨不具足爲具足故勤修方便令得具足時摩訶男白佛言世尊我於今者具

信戒捨具足三支佛告摩訶男雖具三事然不數往僧坊精舍以是因緣名不具足應勤方便數往塔寺時摩訶男言諸優婆塞我今應當具足信戒及以捨心詣於塔寺佛告摩訶男若能具足信戒捨心數詣塔寺親近衆僧是名具足佛告摩訶男雖復具足如上四

漏六

十一

事若不聽法名不具足摩訶男言我能聽法佛復告摩訶男雖能聽經若不受持亦名不具雖能受持不解其義亦名不具雖解義趣而未能得如說修行亦名不具若能具足信戒捨心數往塔寺聽法受持解其義趣如說他佛告摩訶男具足八支能自利益未利於修行是則爲滿足之行摩訶男雖復具足信戒捨心數詣塔寺親近衆僧然猶未能專心聽法是亦名爲行不具足以斯義故應當方便專心聽法雖能聽法若不受持亦名不具是故應當受持正法雖能受持若不解義亦名不具是故應當解其言趣雖解義趣若復不能如說修行亦名不具是故應當如說修行若能具足信心持戒及捨心等數往僧坊專心聽法受持莫忘解其義趣信戒捨心往詣塔寺聽受經法受持不忘解其義趣若復不能如說修行是亦名爲不具足也摩訶男優婆塞以信心故則能持戒以持戒故能具捨心具捨心故能往詣僧坊往詣僧坊故能專心聽法專心聽法故則能受持能受持故解其義趣解其義趣能如說修行能如說修行故勤作方便能令滿足時摩訶男復白佛言世尊云何優婆塞具足幾支自利未利於他佛告摩訶男具足八支能自利益未利於他何等爲八優婆塞自己有信不能教他自己

持淨戒不能教人令持禁戒自修於捨不能
教人令行布施自往詣塔寺親近比丘不能
教人往詣塔寺親近比丘自能聽法不能教
人令聽正法自能受持不能教人受持自能
解義不能教人令解其義自能如說修行不
教他人如說修行是名具足八支唯能自利

不能利他時摩訶男復白佛言具足幾法能
自利益亦利於他佛告之曰若能具足十六
支者如是之人能自他利自生信心教人令
信自行受持教人受持自行捨心亦復教人
令行捨心身自往詣僧坊塔寺亦復教人往
詣僧坊塔寺親近比丘自能聽法亦復教人

漏六十二

令聽正法自能受持亦復教人令受持法自
解義趣亦復教人解其義味自如說行亦復
教人如說修行若能具足十六支者此則名
為自利利他如斯之人若在刹利衆若婆羅
門衆若居士衆若沙門衆隨所至處能為此
衆作大照明猶如日光除諸闇冥當知是人

甚為希有佛說是已釋摩男禮佛而退時諸
比丘聞佛所說歡喜奉行

如是我聞一時佛在迦毗羅衛國尼拘陀林
少時釋摩男往詣佛所頂禮佛足却坐一面
而白佛言世尊此迦毗羅人民熾盛安隱豐
樂我常在中每自思惟若有狂象奔車逸馬

狂走之人來觸於我我於少時或當忘失念
佛之心或復忘失念佛僧心復自念言若當
忘失三寶心者命終之時當生何處入何趣
中受何果報佛告之曰汝當少時勿生怖畏
命終之後生於善處不墮惡趣不受惡報譬
如大樹初生長時恒常東靡若有斫伐當向
何方然後墜落當知此樹必東向倒汝亦如
是長夜修善若墮惡趣受惡報者無有是處
時釋摩男聞佛所說頂禮佛足還其所止時
諸比丘聞佛所說歡喜奉行

如是我聞一時佛在迦毗羅衛國尼拘陀林
少時釋摩男往詣佛所頂禮佛足在一面坐

漏六十三

而白佛言世尊若有比丘在於學地所作未
辦當欲求進阿羅漢果入於涅槃云何比丘
修習幾法盡諸有漏心得無漏心得解脫慧
得解脫於現在世獲其果證得無漏戒決定
自知我生已盡梵行已立所作已辦不受後
有佛告摩訶男若有比丘在於學地未得無
學意恒進求欲得涅槃常修六念譬如今有人
身體羸瘦欲食美饌爲自樂故諸比丘等亦
復如是爲得涅槃修於六念何等爲六一者
念於如來應供正遍知明行足善逝世間解
無上士調御丈夫天人師佛世尊當于余時
無有貪欲瞋恚愚癡唯有清淨質直之心以
直心故得法得義得親近佛心生歡喜以歡
喜故身得猗樂以身樂故其心得定以得定
故怨家及已親族於此二人無怨憎想心常
平等住法流水入於定心修念佛心趣向涅
槃是名念佛二者念佛所謂法者即是如來
所有功德十力無畏必趣涅槃應當至心觀

察是法智者自知聖弟子者應修念佛余時
離於貪欲瞋恚愚癡唯有清淨質直之心以
直心故得義得法以親近法心生歡喜以歡
喜故身得猗樂得猗樂故其心得定以得定
故於怨憎所其心平等無有愛瞋住法流水
入於定心修念佛觀趣向涅槃是名念佛三
者念僧所謂僧者如來弟子得無漏法能爲
世間作良福田何等名爲良福田耶有向須
陀洹有得須陀洹已有向斯陀含舍有得斯陀
舍有向阿那含舍有向阿羅漢舍有得阿羅漢是則名爲良祐福田具戒定慧解
脫解脫知見應當合掌恭敬其人以念僧故
得法得義得親近僧心生歡喜生歡喜故乃
得快樂得快樂故其心得定以得定故於怨
憎所其心平等無有貪欲瞋恚愚癡唯有清
淨質直之心住法流水入於定心修念佛觀
趣向涅槃是名念佛云何念佛所謂不壞戒
不缺戒不雜戒無垢戒離恐懼戒非戒盜戒

清淨戒具善戒念如是等諸禁戒時即得離於貪欲瞋恚愚癡邪見離諸惡故得法得義得親近戒心生歡喜以心喜故乃得快樂心快樂故其心得定以得定故於怨憎所其心得定平等清淨質直住法流水入於定心修念戒想是名念戒云何念施念己所施獲得善利

一切世間爲慳嫉所覆我於今者得離如是慳貪之垢住捨心中於一切物心無憚惜持用布施旣布施已我心應喜猶如大祠分已財物捨與他人若能如是修施心者於現世中得法得義得親近施無有貪欲瞋恚愚癡唯有清淨質直之心應生歡喜以歡喜故身得快樂身快樂故其心得定以心定故於怨憎所其心得定平等清淨質直住法流水入於定心修念戒想是名念戒云何念施念己所施獲得善利

我亦見有如是功德當生彼天念如斯天以念天故離於貪欲瞋恚愚癡唯有清淨質直之心於現世中得法得義得親近天心生歡喜心歡喜故身得快樂得快樂故其心得定以心定故於怨憎所心無高下住法流水入於定心修念天想是名念天摩訶男若有比丘住於學地所作未辦常欲進求阿羅漢果入於涅槃應當至心修是六念以能修習斷六念故盡諸有漏心得解脫慧得解脫於現在世獲其證果即得證已作是唱言我生已盡梵行已立所作已辦不受後有時摩訶男及諸比丘聞佛所說歡喜奉行

余時世尊在迦毗羅衛國尼拘陀林夏坐安僧所心無高下住法流水入於定心修念施想是名念施云何念天所謂四天王三十三天燄摩天兜率天化樂天他化自在天此諸天等若當信心因緣力故生彼天者我亦有信戒施聞慧亦復如是以此功德生天上者

漏六

十五

身心甚爲重鈍迷於諸方雖復聽法心不甘樂所以者何我聞諸比丘等縫衣已竟當隨佛遊行即生念言何時當復還見世尊及以修心諸比丘等佛告之曰我及比丘雖去餘處汝若恒欲見於如來及比丘者應以法眼至心觀察常修五事何等爲五所謂以具信

故能隨順教非是無信能隨順教持淨戒故能隨順教非是毀禁能順教也以多聞故能隨順教非以少聞能隨順教非以慳惜能行布施以捨心故能行布施非以愚癡能修智慧以慧心故能識法相是故摩訶男若欲見佛及比丘者恒應修習如是五事并六念法若如是者我及比丘便常在前所謂僧者名爲和合時摩訶男聞佛所說歡喜禮足而去如是我聞一時佛在迦毗羅衛國尼拘陀園林中尔時摩訶男釋往詣佛所頂礼佛足在一面坐白佛言世尊如我解佛所說之義獲定心故而得解脫若如是者爲先得定後解

脫耶爲先解脫後得定耶定與解脫爲俱時耶所未曾得所未曾行過去未來所未曾生現在亦無尔時世尊默然不答第二第三亦如是問如來默然悉皆不答時尊者阿難侍如來側以扇扇佛子時阿難作是念今釋摩訶男以此甚深之義諮詢世尊今者所

謂六

十六

患始除氣力尚微未堪說法我當爲彼略說少法令其還去時尊者阿難作是念已即語釋摩訶男如來所說說於學戒亦說於彼無學之戒說於學定亦說於彼無學之定說於學慧亦說於彼無學之慧說學解脫亦說於彼無學解脫時摩訶男白阿難言云何如來說於學戒及無學戒學定無學定學慧無學慧學解脫無學解脫如來聖衆住戒持波羅提木叉具足威儀正行所行於小罪中心生大怖具持禁戒是則名爲持戒具足厭於欲惡及諸不善離生喜樂入于初禪乃至入第四禪是名爲禪如實知苦如實知集如實知

苦滅如實知苦滅道如是知見斷五下分結身見戒盜疑欲愛瞋恚彼斷五下分結便得化生即於彼處而得涅槃名阿那含更不還來至此欲界是則名爲學戒學定學慧解脫復次更於異時盡諸有漏得於無漏心得解脫慧得解脫現法取證逮得無生自知生死已盡梵行已立所作已辦不復受有當于余時得無學戒無學定無學慧無學解脫摩訶男以是緣故佛說於學及以無學時摩訶男聞其所說歡喜頂禮而去時摩訶男既去不遠佛告阿難此迦毗羅衛國諸比丘等頗共詣釋講論如是深遠義不阿難白佛此迦毗

潤六

七

羅衛諸比丘等每與諸釋共論如是甚深之義佛告阿難迦毗羅衛比丘與諸釋等獲大善利能解如是聖賢慧眼諸比丘聞佛所說歡喜奉行

如是我聞一時佛在迦毗羅衛國尼拘陀園林中時種手釋往詣摩訶男所語摩訶男言

如來說須陀洹有幾不壞信摩訶男釋答言如來所說須陀洹人有四支不壞信所謂於佛不壞信於法不壞信於僧不壞信聖所受戒得不壞信鹿手釋言汝今不應說言如來說四不壞信所以者何如來唯說三不壞信所謂於三寶所得不壞信第二第三亦作是說摩訶男亦作是答汝莫說言三不壞信如是二人紛糾各競所見不能得定往詣佛所頂禮佛足在一面坐請決所疑時摩訶男白言世尊彼鹿手釋來至我所作是言如來爲說幾不壞信我即答言如來說於四不壞信所謂三寶聖所受戒鹿手釋言如來唯說三

不壞信云何言四所謂三寶第二第三亦作是說第二第三我亦答言如來說四實不說三彼之所說我不能解我之所說彼亦不解時龐手釋即從座起白佛言世尊假設佛不教我僧不教我比丘尼優婆塞優婆夷若天若魔若梵此諸人等都不教我向於佛者我

亦一心迴向於佛法僧亦然佛告摩訶男言
鹿手釋作如是語汝云何答摩訶男白佛言
世尊若如是者我更無答異於佛法更無善
處離於佛法更無真處無異處善無異處真
佛復告摩訶男汝從今日應如是解具足四
事名不壞信所謂於佛法僧聖所受戒鹿手

釋以不解故作如是語即聞佛說即得解了
時摩訶男及鹿手釋聞佛所說歡喜頂礼而去
尔時佛在迦毗羅衛國尼拘陀園林中當尔
之時彼國諸釋集講論處既集坐已於其中
間各共談論語摩訶男言無有前後汝意謂
誰以爲後耶鹿手釋者如來記彼得須陀洹

漏六

十八

於人天中七生七死得盡苦際彼鹿手釋毀
犯禁戒飲彼酒漿佛尚記彼得須陀洹若如
是者有何前後復語摩訶男言汝可往詣於
世尊所問如斯義時摩訶男釋尋如其言即
往佛所頂禮佛足在一面坐白佛言世尊迦
毗羅釋集講論處於其中間作如是論語我

言誰爲前後時鹿手釋其命已終如來記彼
得須陀洹於人天中七生七死得盡苦際彼
鹿手釋毀犯禁戒飲放逸漿若記彼得須陀
洹當知是則無有前後佛告之曰皆稱我爲
善逝世尊作是語者亦名善逝稱善逝故生
善逝心賢聖弟子生正直見稱言善逝復次

摩訶男如來弟子一向歸佛亦復歸依法僧
三寶得疾智利智厭離智道智不墮地獄餓
鬼畜生及餘惡趣得八解脫獲於身證具八
解脫住於具戒以智慧見盡於諸漏是則名
爲得俱解脫阿羅漢也復次摩訶男賢聖弟
子亦如上說慧解脫阿羅漢不得八解脫復
次摩訶男一向歸佛餘如上說身證阿那含
成就八解脫未盡諸漏復次摩訶男一向歸
佛餘如上說不墮地獄餓鬼畜生不墮惡趣
如來教法彼隨順不逆是名見到復次摩訶
男賢聖弟子一向歸依佛餘如上說佛所教
法彼隨順解脫是名信解脫復次摩訶男若

信佛語欣尚翫習忍樂五法所謂信精進念

縫音

定慧是名賢聖弟子不墮三塗是名堅法復

次賢聖弟子信受佛語然有限量忍樂五法

如上所說是名賢聖弟子不墮三塗是名堅
信摩訶男我今若說娑羅樹林能解義味無
有是處假使解義我亦記彼得須陀洹以是

義故鹿手釋我當不記彼釋得須陀洹所以

者何彼鹿手釋不犯性重犯於遮戒臨命終

時悔責所作以悔責故戒得完具得須陀洹
人少有所犯悔責完具何故不記彼鹿手釋
得須陀洹摩訶男釋聞佛所說歡喜頂礼而去
云何優婆塞 得果一切行 自輕及住處

十一與十二 解脫并舍羅 鹿手爲第十

別譯雜阿含經卷第十六

十九末

淵六

控轡下苦貢反 乘策下楚音
條下直音祕反 罷勒宜反 納舉上俱
亦反 懈疾斯反 跳躡上音退下
徑古定 懈恨上率音 樞脂東靡下苗
反 恒惜上良

別譯雜阿含經卷第十七

失譯今附秦錄

淵七

余時世尊在毗舍離獮猴陂岸大講堂中時
有四十波利蛇迦比丘皆阿練若著糞掃衣
盡行乞食悉在學地未離欲法咸至佛所頂
禮佛足在一面坐爾時世尊作是念此諸比
丘皆阿練若著糞掃衣盡行乞食悉是學人
未斷欲結吾當爲彼如應說法令諸比丘不
起于座心得解悟盡諸結漏佛告之曰比丘
當知生死長遠無有邊際無有能知其根源
者一切衆生皆爲無明之所覆蓋愛結所使
纏繫其頸生死長途流轉無窮過去億苦無